

# Ժողովուրդ

163  
(3013)

23 նոյեմբերի շաբաթ 2024  
տպագրության ԺԳ տարի

Է. Երեան, Արմլուր 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՔՅԱՐԱՄՅԱՆԸ ՀԱՐՑԱՔՆԵՎԵԼ Է ԱՂԱԶԱՐՅԱՆԻ ԳՈՐԾՈՎ



«Ժողովուրդ» օրաթերթի բացառիկ տեղեկությունների համաձայն՝ ՀՀ քննչական կոմիտեի նախկին նախագահ Արգիշտի Բյարամյանին հրավիրել են ՀՀ հակակոռուպցիոն կոմիտեի հարցաքննության: Բյարամյանը առանց նախագահ մնացած կոմիտեում ցուցմունք է տվել այն մասին, որ իրեն երկու անգամ դիմել են ԶԴ-ական պատգամավոր Հովիկ Աղազարյանի որդու ներգրավմամբ քննվող քրեական գործով:

«Ժողովուրդ» օրաթերթի իրազեկ աղբյուրները հայտնում են, որ Արգիշտի Բյարամյանը նախաքննական մարմնում պատմել է, որ ԶԴ-ական Հովիկ Աղազարյանի որդին, օգտվելով օրենքի բացից, (որը օրենսդիր հայրը չի նախաձեռնել կարգավորել), մեծաքանակ ավտոմեքենաներ է ներկրել ՀՀ, արտահանել, ապա պետությունից ստացել է ԱԱՀ-ի վերադարձ, որը անօրինականություն է. հենց դրա համար են Աղազարյանի որդու ավտոմեքենաները գտնվում արգելանքի տակ:

«Ժողովուրդ» օրաթերթը, հղում անելով իր աղբյուրներին, հայտնել էր, որ երկու անգամ Աղազարյանի որդու գործով դիմում է ուղղվել ՀՀ քննչական կոմիտե, եւ երկու անգամ էլ դիմողը եղել է հենց ինքը՝ Հովիկ Աղազարյանը:

Պատգամավոր Աղազարյանը, օգտագործելով իր պատգամավորական լծակները, առաջին անգամ դիմել է գործը վարող քննիչին, երկրորդ անգամ՝ ԶԿ նախագահի տեղակալ Արսեն Այվազյանին՝ համոզելով նրանց, որ իր որդու արգելանքի տակ գտնվող մեքենաները հանեն կալանքից: Մեր իրազեկ աղբյուրների փոխանցմամբ՝ գործը քննող քննիչը Աղազարյանի դիմումը փոխանցել է իր վերադասին, վերադասը հայտնել է Արգիշտի Բյարամյանին, իսկ Բյարամյանն էլ մերժել է: Երկրորդ անգամ, երբ Աղազարյանը դիմել է ԶԿ նախագահի տեղակալ Արսեն Այվազյանին, վերջինս այդ մասին տեղյակ է պահել Արգիշտի Բյարամյանին ու կրկին ստացել է մերժում:

Այս իրավիճակում Աղազարյանը, ենթադրաբար, խախտել է նախ՝ «Պատգամավորի գործունեության երաշխիքների մասին» ՀՀ օրենքը, որի 3-րդ հոդվածի 4-րդ, 5-րդ կետերը սահմանում են. «Պատգամավորի լիազորություններն իրականացնելիս չառաջնորդվել իր կամ իր հետ փոխկապակցված անձանց անձնական շահերով, չօգտագործել պատգամավորի պաշտոնի հեղինակությունը՝ ի շահ իրեն կամ այլ անձի»: Բացի դրանից՝ քրեական օրենսգրքի 486-րդ հոդվածի 1-ին մասի երկու դրվագով սահմանված է արդարադատության իրականացմանը կամ գործի քննությանը միջամտելու եւ խոչընդոտելու արգելքը: Իսկ Աղազարյանն իր դիմումով ենթադրաբար փորձել է խոչընդոտել եւ ազդեցություն ունենալ նախաքննության վրա: Այսպիսով՝ Հովիկ Աղազարյանը, բացի կաշառքի վարույթից, որն արդեն նախաձեռնված է, նաեւ երկու այլ ենթադրյալ օրինախախտումներ է թույլ տվել, ինչի համար ՀՀ գլխավոր դատախազը պետք է մտնի ԱԺ եւ Աղազարյանին պատգամավորական անձեռնախնդիրությունից զրկի պառլամենտի միջոցով՝ հարուցելով մեղադրանքներ նրա նկատմամբ: Իսկ եթե մինչ այդ նա մանդատը վայր դնի, թերեւս այս քրեական ենթադրյալ հանցանքները կներվեն, կմոռացվեն:

«Ժողովուրդ» օրաթերթի ԶԴ-ական աղբյուրները փոխանցում են, որ Երեանի փոխքաղաքապետ Արմեն Փամբուխյանը պատասխանել է պահանջում ԱԺ պաշտպանության եւ անվտանգության հանձնաժողովի նախագահ Անդրանիկ Բոջարյանից՝ իրեն վարկաբեկելու եւ որպես կոռուպցիոնիստ դիտարկելու համար: Բանն այն է, որ դեռ հոկտեմբեր ամսին լրագրողները Անդրանիկ Բոջարյանին հարցրել էին՝ նկարավոր է, որ որոշ ԶԴ-ականներ իրենց դժգոհություններ ունեն, ինչպես, օրինակ, Հրաչյա Հակոբյանը, Տիգրան Ավինյանը, Արմեն Փամբուխյանը, Սիսակ Գաբրիելյանը: Բոջարյանը պնդել էր, որ տեղյակ չէ, բայց կոնկրետ միջադեպ հիշեց Երեանի փոխքաղաքապետ Արմեն Փամբուխյանի հետ կապված, երբ դիմել էր նրան «Արագած» ռազմարդյունաբերության գործարանի հոսքազեղման հետ վերաբերյալ խնդրով, սակայն, ինչպես հետո պարզվել է, խնդիրը Փամբուխյանը չի լուծել: Անդրանիկ Բոջարյանը շարունակել էր նաեւ. «Մեկ էլ կարդացել եմ իր մասին «Յուր»-ում գրված հոդվածը՝ կապված «Սպայկայի» 1,5 մլրդ դրամ վարկավորման հետ»: Հարցին՝ այսինքն Արմեն Փամբուխյանը կոռուպցիոնիստ է՝ Անդրանիկ Բոջարյանը պատասխանեց, որ չի կարող ասել, քանի որ չեն կարող հայտարարել մի բան, քանի դեռ քննություն չկա. «Բայց ինձ մտահոգում է «Սպայկայի» հետ առնչվող պատմությունները» հրապարակված ասել էր Բոջարյանը: Հիշեցնենք, որ ԶԴ վարչության անդամ Արմեն Փամբուխյանի 71-ամյա հայրը 40 հեկտար հողեր է ձեռք բերել Արմավիրի մարզում՝ դեղձի այգիներ հիմնելու համար: Փամբուխյանը այս նպատակով նաեւ 1,5 մլրդ արդ դրամի վարկ է ստացել բանկից եւ 102 մլն դրամ (մոտ 270 հազար ԱՄՆ դոլար) պետությունից՝ որպես սուբսիդիա՝ նվեր: Բացի այս պատմությունից, «Ժողովուրդ» օրաթերթի տեղեկություններով, Անդրանիկ Բոջարյանը ԶԴ-ականների մոտ վստահ պնդել է, թե Երեանի փոխքաղաքապետ Արմեն Փամբուխյանի ԱԺ նախկին պատգամավոր Միտր Սեդրակյանի որդուց՝ Դավիթ Սեդրակյանից, ավտոմեքենա է նվեր ստացել, թաքցրել հանրությունից, իր թիմից: «Ժողովուրդ» օրաթերթը այս հարցադրումներով դիմել էր Արմեն Փամբուխյանին՝ պարզելու, թե որքանով են իրական այս տեղեկությունները, եւ պատրաստվում է արդյոք Արմեն Փամբուխյանը աշխատանքից ազատման դիմում գրել եւ հրաժարվել Երեանի ավագանու իր մանդատից. սակայն Փամբուխյանը, մեր այս հարցերին ի պատասխան, նշեց, որ տեղեկությունները իրականությանը չեն համապատասխանում: Տեղեկացնենք, որ Արմեն Փամբուխյանը 2021 թվականին գնել է LEXUS մակնիշի մեքենա, իսկ ահա փոխքաղաքապետի կինը տարվա ընթացքում մեքենաներ է գնել եւ վաճառել:



Նիկոլ Փաշինյանը 6 պաշտոնյայի հեռացրեց պաշտոնից, որից երկուսի նշանակման մասին հայտնեց վաղ առավոտյան ֆեյսբուքյան ստատուսով, սակայն հեռացված վեց պաշտոնյաներից մեկի ընտրությունը եզակի պահանջ է, քանի որ բացառիկ նշանակման կարգ է սահմանված: Համաձայն Հակակոռուպցիոն կոմիտեի մասին ՀՀ օրենքի 18-րդ հոդվածի՝ «Մրցութային խորհրդի ձեռավորումը եւ գործառնությունները սահմանվում են Հակակոռուպցիոն կոմիտեի նախագահի թեկնածուների ընտրության համար»: Այսինքն՝ ձեռավորվում է մրցութային խորհուրդ: «Ժողովուրդ» օրաթերթը «Իրազեկ քաղաքացիների միավորում» հասարակական կազմակերպության ղեկավար Դանիել Իրանխանյանից տեղեկացավ, թե որն է ընթացակարգը, եւ ովքեր պետք է լինեն Հակակոռուպցիոն կոմիտեի նախագահի ընտրության համար ձեռավորված թիմում: «Ստեղծված խորհրդի կազմում ներառվում է 1 կամ մի քանի անձ Ազգային ժողովից, 1 անձ դատախազությունից, 1 անձ՝ Վճռաբեկ դատարանից, 1 անձ՝ ՄԻՊ գրասենյակից եւ մեկ անձ վարչապետի աշխատակազմից, եւս 2 անձ՝ քաղաքացիական հասարակության ներկայացուցիչ: Խորհուրդը անցկացնում է ընդունելություն. մասնավորապես, թեկնածուները դիմելու են խորհրդին, ներկայացնեն բազմաթիվ փաստաթղթեր, անցնեն Կոռուպցիայի կանխարգելման հանձնաժողովում բարեկարգության ստուգում, ապա բարեկարգության վերաբերյալ եզրակացության հետ անցնեն դաշնապետի հարցազրույց: «Ժողովուրդ» օրաթերթի տեղեկություններով՝ Կոռուպցիայի կանխարգելման հանձնաժողովի նախագահի պաշտոնի առաջադրման հայտարարությամբ դիմելու է նաեւ հասարակական գործիչ Էգար Դազարյանը եւ ՀՀ դատախազին առընթեր հատուկ հանձնարարություններով վարչության պետի պաշտոնակատար Վարուժան Դահրամանյանը: «Ժողովուրդ» օրաթերթի հետ զրույցում Էգար Դազարյանը ջնջաբանեց, որ հնարավոր է մասնակցի:



Երեանի ավագանու «Մայր Հայաստան» խմբակցությունը արդեն հավաքել է ընդդեմ տրանսպորտի թանկացման նախաձեռնության համար անհրաժեշտ քանակությամբ ստորագրությունները: Խմբակցության ղեկավար Մանուկ Սուքիասյանը «Ժողովուրդ» օրաթերթին հայտնեց՝ որպեսզի նախագիծը Երեանի ավագանու նիստում քննարկի, անհրաժեշտ է Երեանի ընտրելու իրավունք ունեցող ավելի քան 8 հազար բնակչի ստորագրություն, բայց իրենք մի բան էլ ավելի շատ ստորագրություն են հավաքել՝ մոտ 10 հազար: «Մայր Հայաստան»-ը, սակայն, մտադիր է դեռ մի քանի օր էլ շարունակել ստորագրահավաքը, որից հետո նախաձեռնությունը մուտք կանեն քաղաքապետարան: Մանուկ Սուքիասյանը հայտնեց, որ ամեն ինչ անելու են, որ ավագանու տարեկան ղեկավարների նիստին նախաձեռնությունն արդեն օրակարգ մտնի: Եթե ավագանու նիստում նախագիծը մերժվի, ապա ընդդիմադիրներն այս հարցը դնելու են հանրաքվեի: Հիշեցնենք, որ «Մայր Հայաստան»-ը պահանջում է անվտանգության 100 դրամ թողնել տրանսպորտի գինը:

ԶՐՈՒՅՑ

# ՊԵՏԱԿԱՆ ՊԱՐՏՔԸ 6-ԻՑ ԴԱՐՁԵԼ Է 12 ՄԼՐԴ ԴՐԱՄ

ArmLur.am-ի հեռուգրություն «Ազատություն» կուսակցության նախագահ, «Միասին շարժման» համանախագահ, նախկին վարչապետ, Կոնգրեսի շահագրգռող և զինվորական դասերի, ՀՆԱ-ի աճից, որի դասճանաչող խաղաղություններն են:

Հրանտ Բագրատյանը նաև նշել է մի քանի թվեր, կանխատեսել է, թե ինչպես է աճելու պետական պարտքը, բյուջեի դեֆիցիտը:

«Պարոն Բագրատյան, 2025 թվականի բյուջեի կատարողականի քննարկումը այս պահին բավականին արդի ու կարելի է ասել: Ազգային ժողովն օրերս քննարկում էր 2025 թվականի պետական բյուջեն: Ավանդույթի համաձայն՝ ամեն տարվա բյուջե ունենում է իր անվանումը: Սովորաբար, լինում է, օրինակ, «ծայրը ծայրին հասցնել» կամ «բյուջե, որ կբավարարի», ինչպես կանվանեք այս՝ 2025 թվականի բյուջեն:

«Ես նախ անվանեմ դրա հիմնական առանձնահատկությունը, ասենք՝ «Հայաստանի Հանրապետության գոյության 33 տարիների ընթացքում սա առաջին բյուջեն է, երբ մենք արտաքին պարտք ենք վերցնում, բայց նախկինում վերցված արտաքին պարտքի սպասարկումն ավելին է, քան թե վերցված արտաքին պարտքը: Այսպես՝ այս բյուջեով իրենք վերցնում են ես 2 միլիոն պետական պարտք, բայց պետական պարտքը սպասարկելու համար նույն բյուջեով նախատեսված է 2.5 միլիարդ դոլարի ծախս: Գիտե՞ք, դա ժամանակի ընթացքում պետք է պատահեր, չէր կարող սա լինել 2005 կամ 1995 թվականին, որովհետեւ, հատկապես վերջին շրջանում, բարձր



տոկոսով վերցված է ներքին պարտք, եւ գալու է մի պահ, երբ արդեն պարտքը վերցնելու են, բայց այն չի բավականացնելու նախկինում վերցված պարտքի տոկոսը փակելու համար անգամ:

Նախկինում վերցված պարտքի մարումը նախատեսված է 1 տրիլիոն 120 միլիարդ դրամ, եւ դա ավելի քան 2.5 միլիարդ դոլար է: պետական պարտքի շեմը կբարձրանա ես 2 միլիարդով եւ կարող է հասնել մինչեւ 14.5 -15 միլիարդ դոլարի: Այսինքն՝ մենք ընկել ենք այն օրը, ինչ Միացյալ Նահանգները: ԱՄՆ-ն ամեն տարի իր պարտքը սպասարկում է այդ պարտքը կազմում է ՀՆԱ-ի 50 տոկոսը, բայց ԱՄՆ-ն դոլար ունի, երբ նա տպում է այդ դոլարը, նշանակում է, որ Միացյալ Նա-

հանգների գործող պարտքի սպասարկմանը մասնակցում են բոլոր երկրները, բարդում է դա բոլոր երկրների ուսերին, համամասնական չափով՝ նաև մեր ուսերին է բարդում, սա հասկանալի է, բայց երբ երկրի փոխարժեքը փոխարկելի չէ, երբ մեր պետական արժեթղթերը միայն մենք ենք գնում՝ ուրիշ ոչ ոք, ահա մեզ նման երկրները եւ մենք կհայտնվենք շրջապատույթի մեջ:

«2025-ի բյուջեն ազգային շրջապատույթի առաջին բյուջեն է»: Այդպես կարելի է անվանել, քանզի նույնիսկ 2024-ին բյուջեի վիճակն այսպիսին չէր:

**Շարունակությունը կարող եք կարդալ ArmLur.am կայքում Զրուցեք ՀՄԱ ՄԻՔԱՅՆԵԼՆԱԸ**

## ՏԵՐԻ ԿՈՒՆԵՆԱ ՄԱՐՈՒԹՅԱՆ ԱՎԻՆՅԱՆ ԲԱՆԱՎԵՃ

Երեւանի նախկին քաղաքապետ Հայկ Մարությանը համաձայնել է բանավիճել Երեւանի քաղաքապետ Տիգրան Ավինյանի հետ:

«Ուղղումում ենք Factor TV-ի առաջարկը՝ բանավեճ անցկացնել Տիգրան Ավինյանի հետ՝ իշխանության բերած տրանսպարտի թանկացման ծրագրի շուրջ:

Քանի որ քաղաքապետարանից խնդրել են երկրից բացակայելու բերումով հետաձգել բանավեճը, ապա առաջարկում ենք այն կազմակերպել դեկտեմբերի 15-20-ն ընկած ժամանակահատվածում», - Facebook-ում գրել է Մարույանը:

## ՎԱՐԺԱԿԱՆ ՀԱՎԱՔՆԵՐ ԿԱՆՑԿԱՑՎԵՆ

Հայաստանում 2025-ի փետրվարի 4-ից մինչեւ ապրիլի 18-ը նախատեսվում է անցկացնել պահեստազորայինների վարժական հավաքներ:

Համապատասխան որոշման նախագիծը Իրավական ակտերի նախագծերի հրապարակման միասնական կայքում ներկայացրել է ՀՀ պաշտպանության նախարարությունը:

Որոշման նախագծի ընդունումը պայմանավորված է պահեստազորի առաջին խմբում հաշվառված շարքային, ենթասպայական եւ սպայական կազմերի պահեստազորայինների ռազմական հմտությունների կատարելագործման, վերապատրաստման եւ պատրաստման, ըստ անհրաժեշտության, պահեստազորայիններին մարտական հերթապահության ներգրավելու անհրաժեշտությամբ:

Վարժական հավաքների ընթացքում յուրաքանչյուր քաղաքացի ներգրավվում է ոչ ավելի, քան 25 օրացուցային օր ժամկետով:

## ՆՈՐ «ԿՈՉԵՐ» ԲԱՔՎԻՑ

Խաղաղությունը Հարավային Կովկասում մոտ է, քան երբեք: Ադրբեջանին եւ Հայաստանին կոչ ենք անում բաց ջրողնել այս պատմական հնարավորությունը:

Այս մասին հայտարարել է Թուրքիայի արտգործնախարար Հաքան Ֆիդանը:

«Մենք պահպանում ենք մեր երկկողմ հարաբերությունները Ադրբեջանի հետ ամենաբարձր մակարդակով եւ համատեղ ջանքեր ենք գործադրում բազմաթիվ միջազգային խնդիրների լուծման համար: Մենք ողջունում ենք Հայաստանի ընտրությունը՝ ի նպաստ խաղաղության եւ կայունության եւ կոչ ենք անում երկու երկրներին բաց ջրողնել այս պատմական հնարավորությունը», - ասել է նա:

## ԼՈՒՐԵՐ

### ՓԱՇԻՆՅԱՆԻ «ՆԿԱՐԱԾ» ԹՎԵՐ ԵՆ ՆԵՐԿԱՅԱՑՐԵԼ

ՊԵԿ նախագահ Ռուստամ Բադախյանի անակնկալ պաշտոնանկությունից հետո ՊԵԿ-ում դեռ փնտրությունների մեջ են՝ ինչու Նիկոլ Փաշինյանը, որը երբեք հրապարակավ դժգոհություն չի հայտնել Բադախյանի աշխատանքից, հանկարծ որոշեց հեռացնել նրան:

«Ժողովուրդ» օրաթերթին բացառիկ մանրամասներ են հայտնի դարձել՝ ով է կանգնած Բադախյանի պաշտոնանկության հետեւում:

Այսպիսով, «Ժողովուրդ» օրաթերթին պատմեցին, որ տարիներ շարունակ գործադիրում ընդունված պրակտիկա է եղել, որ ֆինանսների նախարարը եւ ՊԵԿ նախագահը քննարկում եւ համատեղ զեկույց են ներկայացնում Կառավարություն, թե այդ տարվա համար տնտեսական ինչ կանխատեսումներ ունեն, ինչպես են պետբյուջեի շարժն ապահովելու:

Ֆինանսների նախարար Վահե Հովհաննիսյանը, սակայն, առանց Բադախյանի հետ քննարկելու «նկարած» թվեր է ներկայացրել Փաշինյանին, բայց երբ եկել է տարեվերջյան ամփոփումների ու զեկույցներ ներկայացնելու ժամանակը, Նիկոլ Փաշինյանը պարզել է, որ այդ թվերը իրականությունից հեռու են, ու սպասելիքները արդարացիված չեն:

Բադախյանն, իհարկե, փորձել է պարզաբանել, որ դա միայն իր աշխատանքից կախված չէ, սակայն՝ իզուր, Փաշինյանն իր որոշումը կայացրել է:

Փաստորեն, Վահե Հովհաննիսյանի «նկարած» թվերի համար Ռուստամ Բադախյանն իր պաշտոնով է պատասխան տվել:

**Ք. ՄՈՒՆԵՐՅԱՆ**

### ԶԵՅՆԱԼՅԱՆԸ ՄԱՆԳԱՏԸ ՎԱՅՐ ԳՆԵԼՈՒ ՎԵՐԱԲԵՐՅԱԼ ԳԻՄՈՒՄ ՆԵՐԿԱՅԱՑՐԵՑ

Ազգային ժողովից «Ժողովուրդ» օրաթերթին հայտնեցին, որ քիչ առաջ Նարեկ Զեյնալյանը մանդատը վայր դնելու վերաբերյալ դիմում է ներկայացրել ԱԺ նախագահին:

Ավելի վաղ «Ժողովուրդ» օրաթերթը գրել էր, որ ԱԺ նախագահը դեռ ոչ Նարեկ Զեյնալյանից, ոչ էլ Հովիկ Աղազարյանից հրաժարականի դիմում չի ստացել:

«Ժողովուրդ» օրաթերթը հայտնել էր՝ Նիկոլ Փաշինյանը հոկտեմբերի 15-ի խայտառակ միջադեպերով ուղեկցված ԱԺ լուսմերից հետո Նարեկ Զեյնալյանին ու Հովիկ Աղազարյանին մանդատից զրկելու որոշում էր կայացրել:

Զեյնալյանն «ինքնակամ» հեռացավ սոցցանցի իր էջում հրապարակված

հայտնելով այդ մասին, Աղազարյանը, սակայն, համառորեն դեռ մանդատի կռիվ է տալիս ու հրաժարվում է կատարել Փաշինյանի որոշումը: Չնայած որ վարչության՝ նոյեմբերի 19-ի կայացած նիստին Հովիկ Աղազարյանը կանչվել է վարչություն, ու նրա մանդատը վայր դնելու որոշումը ԶԳ-ականներն արձանագրել են միաձայն, բայց նա համառում է, թե վարչությունը չի կարող իրեն պարտադրել մանդատը վայր դնել:

«Ժողովուրդ» օրաթերթը տեղեկացավ, որ ԱԺ նախագահը դեռ Նարեկ Զեյնալյանից եւ Հովիկ Աղազարյանից մանդատը վայր դնելու վերաբերյալ դիմում չի ստացել:

«ԱԺ կանոնակարգ» օրենքի 155-րդ հոդվածը սահմանում է՝ «Պատգամավորը հրաժարականի մասին իր գրավոր դիմումը պաշտոնապես ներկայացնում է Ազգային ժողովի նախագահին, ով այդ մասին հանդես է գալիս հայտարարությամբ»:

Եթե հրաժարականի հրապարակումից հետո՝ մեկ շաբաթվա ընթացքում, պատգամավորը գրավոր դիմումով՝

1) հետ է վերցնում հրաժարականի մասին իր դիմումը, ապա Ազգային ժողովի նախագահին այդ մասին հանդես է գալիս հայտարարությամբ:

2) հետ չի վերցնում հրաժարականի մասին իր դիմումը, ապա նրա լիազորությունների դադարման մասին կազմվում է արձանագրություն, որն ստորագրում է հրապարակում է Ազգային ժողովի նախագահը: Արձանագրության հրապարակման պահից հրաժարականը համարվում է ընդունված:

**Ք. ՄՈՒՆԵՐՅԱՆ**

ԻՐԱՎԻՃԱԿ

ԷՆԵՐԳԵՏԻԿ ՈԼՈՐՏ

ԹՈՒՐԲ-ԱՊՐԲԵՋԱՆԱԿԱՆ ՏԱՐԱՉԱՅՆՈՒԹՅՈՒՆՆԵՐ

ԻՆՉ Է ՄՊԱՌՆՈՒՄ ՆԵԹԱՆՅԱՐՈՒԻ ՕԳՆԱԿԱՆԻՆ

Իսրայելի վարչապետ Բենիամին Նեթանյահուի գրասենյակի մամուլի հետ աշխատանքի հարցերով օգնական էլի Ֆելդշտեյնը կարող է ցմահ բանտարկության դատապարտվել ազգային անվտանգությանը վնասելու համար: Այդ մասին հաղորդում է The Times of Israel-ը: Պարբերականի տվյալներով՝ Ֆելդշտեյնը, որը համարվում է գլխավոր կասկածյալը, մեղադրվում է պետությանը վնաս հասցնելու նպատակով գաղտնի տեղեկատվություն փոխանցելու, գաղտնի տեղեկատվություն պարունակող փաստաթղթերի ապօրինի պահման եւ արդարադատությանը խոչընդոտելու մեջ: Նրան սպառնում է ցմահ ազատազրկում:

Ըստ հրապարակման՝ այդ գործով եւս մեկ կասկածյալի՝ Իսրայելի պաշտպանության բանակի պահեստայինի, որի անունը չի հրապարակվել, սպառնում է 7 տարվա ազատազրկում գաղտնի տեղեկատվություն փոխանցելու համար:

Մեղադրող կողմը ենթադրում է, որ Ֆելդշտեյնը ռազմական հետախուզության չորս զինծառայողների միջնորդությամբ գաղտնի տվյալներ է ստացել Իսրայելի պաշտպանության բանակի տվյալների բազայից եւ դրանք փոխանցել Իսրայելի վարչապետի գրասենյակ: Հրապարակման մեջ նշվում է, որ նա այդ փաստաթղթերից մեկը նաեւ հանձնել է Bild հրատարակությանը:

Ըստ NBC News-ի՝ փաստաթղթերը կապված են եղել ՀԱՄԱՍ-ի հետ եւ նպատակ են ունեցել ՋԼՄ-ներում հրապարակվելու միջոցով ցույց տալ, որ իսրայելցի պատանդների ընտանիքների ցույցերը ձեռնտու են պաղեստինյան շարժմանը:

ԱՄՆ-ԵՆ ԱՄԵԱՊԵՍ ՏԵՂԵԿԱՑՎԵԼ Է ՀՐԹԻՌԻ ԱՐՉԱԿՄԱՆ ՄԱՍԻՆ

ԱՄՆ-ն Ռուսաստանից նախապես ծանուցում է ստացել Ուկրաինայի տարածք առանց միջուկային մարտագլխիկի բախտիկ հրթիռի արձակման մասին: Այս մասին հայտնել է Պենտագոնի մամուլի քարտուղարի տեղակալ Սաբրինա Սինգը: «Միացյալ Նահանգներն արձակումից կարճ ժամանակ առաջ նախագուշացվել է միջուկային ռիսկի նվազեցման ալիքների միջոցով», - ասել է նա նոյեմբերի 21-ին կայացած ճեպագրույցում:

Նա նաեւ վստահեցրել է, որ Միացյալ Նահանգները կշարունակի աջակցել Ուկրաինային եւ երկրին ռազմական օգնության նոր փաթեթներ ուղարկել ԱՄՆ նախագահ Ջո Բայդենի վարչակազմի պաշտոնակարմանը մնացած ժամանակահատվածում:

ՌԴ նախագահ Վլադիմիր Պուտինը նոյեմբերի 21-ի տեսաուղերձում հայտարարել էր, որ ի պատասխան ամերիկյան եւ բրիտանական հեռահար սպառազինությունների կիրառման, Ռուսաստանի զինված ուժերը միջին հեռահարության զինամթերքի «Օրեշնիկ» հիպերմայնային հրթիռներով հարվածել են Ուկրաինայի ռազմարդյունաբերական համալիրի օբյեկտներին:

Թուրքիան եւ Ադրբեջանը սերս կադեր ունեն ոչ միայն մշակութային, այլեւ՝ ցնցեսական բնագավառում: Այս առումով նրանց հարաբերություններում էական նշանակություն ունի էներգետիկ ոլորտը, քանի որ երկուսն էլ հանդիսանում են դեղի եվրոպա մարզի եւ բնական գազի խոշոր մատակարարներ: Այնուամենայնիվ՝ այս երկրների միջեւ ժամանակ առ ժամանակ քաղաքական եւ տնտեսական հարաբերություններում գնազոյացման ու մատակարարման հարցում:

Թուրքիայի եւ Ադրբեջանի էներգետիկ հարաբերություններում կարեւոր դերակատարում ունեն Բաքու-Թբիլիսի-Ջեյհան նավթամուղն ու Անդրանա-տուլիական բնական գազի խողովակաշարը (TANAP): Վերջինիս միջոցով Ադրբեջանի Շահ Դենիզ հանքավայրից Թուրքիայի տարածքով բնական գազը տեղափոխվում է Եվրոպա: Այն Հարավային գազային միջանցքի կենտրոնական մասն է, որի նպատակն է նվազեցնել Եվրոպայի կախվածությունը ռուսական գազից: Ինչ վերաբերում է Բաքու-Թբիլիսի-Ջեյհան խողովակաշարին, ապա այն խոշոր նավթամուղ է, որը միացնում է Կասպից ծովի տարածաշրջանը Միջերկրական ծովին՝ անցնելով Վրաստանի տարածքով:

Հարկ է նշել, որ ադրբեջանական գազը Թուրքիայի համար միշտ ավելի է ժան է եղել, քան՝ Ռուսաստանից եւ Իրանից արտահանվող գազը: Թուրքիան փորձում է պահպանել մրցակցային գները՝ Եվրոպայում ավելի շատ գնորդներ ներգրավելու եւ ներքին ծախսերը նվազեցնելու համար:

Թուրքիայի եւ Ադրբեջանի միջեւ գնագոյացման հետ կապված տարածաշրջանային տեսանկյունից են դարձել հատկապես Արցախյան 44-օրյա պատերազմից եւ ուկրաինական ճգնաժամից հետո: Եվրոպայում ադրբեջանական գազի նկատմամբ հետաքրքրությունն սկսեց մեծանալ, երբ 2020 թվականի վերջին շահագործման հանձնվեց Տրանսադրիատիկ գազատարը (TAP): Արդյունքում՝ սկսվեցին գազի ուղի մատակարարումները դեպի Եվրոպա՝ մեծացնելով Ադրբեջանի քաղաքական կշիռը: Եթե մինչեւ 44-օրյա պատերազմն Ադրբեջանն էներգետիկ



նեսուրսները ծառայեցնում էր իր օգտին՝ Արցախի խնդրի լուծման համար, ապա այժմ հարցը լուծված է համարում եւ փորձում է այդ ռեսուրսներն օգտագործել՝ իր դիրքերն ամրապնդելու եւ էներգետիկ այլ նախագծեր ֆինանսավորելու համար: Նա ձգտում է մեծացնել նաեւ Թուրքիա արտահանվող գազից ստացվող եկամուտները, հատկապես՝ Հարավային գազային միջանցքով անմիջապես Եվրոպա գազ մատակարարելու շնորհիվ: 2021 թվականին երկու երկրների միջեւ որոշակի լարվածություն առաջացավ TANAP խողովակաշարի եւ գազային այլ համաձայնագրերի գնագոյացման շուրջ: Այդ թվականին պետք է երկարացվեր TANAP-ի՝ քան տարի տեւած պայմանագիրը, սակայն կողմերը շուրջ մեկ տարի համաձայնության չէին գալիս գնագոյացման հարցում: Այն թարմացվել է միայն երկարատեւ բանակցություններից հետո՝ առանց հատուկ

արարողակարգի՝ փոստային նամակագրության միջոցով՝ ընդամենը կնքելով ժամանակավոր պայմանագիր: Միայն 2024 թվականի հունիսին BOTA-ի (Թուրքիայի պետական նավթագազային ընկերություն) եւ Ադրբեջանի գազամատակարարման ընկերության միջեւ կնքված պայմանագրով ադրբեջանական գազի արտահանումը Թուրքիա երկարաձգվեց մինչեւ 2030 թվականը:

Այսպիսով՝ թուրք-ադրբեջանական տնտեսական հարաբերությունները գերծ չեն խնդիրներից: Թուրքիան, շահարկելով «եղբայրական երկրներ լինելու» հանգամանքը եւ Ադրբեջանին ցուցաբերած օգնությունը (հատկապես՝ ռազմական ոլորտում), մշտապես ձգտում է ադրբեջանական նավթն ու գազը ձեռք բերել ավելի էժան գներով, ինչը ձեռնտու չէ Ադրբեջանին, սակայն վերջինս ստիպված է հաշվի առնել իր «մեծ եղբոր» շահերը՝ ի վնաս սեփական եկամուտների:

ԱԴՐԲԵՋԱՆԻՆ ԿՈՉ ԵՆ ԱՐԵԼ ԴՈՒՐՍ ԲԵՐԵԼ ԶՈՐՔԵՐՈՆ ՀՀ ՏԱՐԱՉՔԻՑ

Բախվում ընթացող COP 29-ի առիթով Բելգիայի Դաւնային, Ֆլանդրիայի, Վալոնիայի եւ Բրյուսելի խորհրդարանների 20 անդամ դիմել է Ադրբեջանի կառավարությանը եւ COP 29-ին մասնակից Բելգիայի կառավարության ղազվիրակությանը երեք հիմնական դաւանքով:

Ազատություն Ադրբեջանում գտնվող հայ ռազմագերիներին, ԼՂ հայկական մշակութային ժառանգության պաշտպանություն, ադրբեջանական ուժերի դուրսբերում Հայաստանի Հանրապետության օկուպացված տարածքից, ինչպես նաեւ՝ Հայաստանի Հանրապետության դեմ ադրբեջանական ցանկացած ագրեսիայի զսպում:

Հայտարարությունը ստորագրել են Բելգիայի հիմնական քաղաքական կուսակցությունները՝ MR, Les Engagés, DnFI, N-VA, CD&V, Vooruit եւ Groen: Առաջին երեքի դեպքում հայտարարու-

թյունը ստորագրել են անձամբ կուսակցությունների ղեկավարները:

Բելգիացի քաղաքական գործիչները նախ շեշտել են, որ որպես COP 29-ը ընդունող երկիր՝ Ադրբեջանը պարտավոր է շոշափելի հավատարմություն ցուցաբերել մարդու իրավունքների, մարդու արժանապատվության եւ արդարության հիմնարար սկզբունքների նկատմամբ: Նրանք նաեւ նշել են իրենց պահանջները՝ հիշեցնելով 2020 թվականի դեկտեմբերի 16-ից հետո Բելգիայի Դաւնային, Ֆլանդրիայի եւ Վալոնիայի խորհրդարանների կողմից ընդունված՝ Լեռնային Ղարաբաղի հակամարտության վերաբերյալ բանաձեւերը:

Այդ, ինչպես նաեւ 2021 թվականի մայիսից եւ 2024 թվականի հոկտեմբերից հետո Եվրոպական խորհրդարանի ընդունած բանաձեւերին համահունչ՝ Բելգիացի քաղաքական գործիչներն Ադրբեջանի կառավարությանը կոչ են արել:

անհապաղ եւ անվերապահորեն ազատ արձակել Բաքվում պահվող բոլոր հայ ռազմագերիներին, պատանդներին եւ գերիներին՝ ներառյալ Լեռնային Ղարաբաղի ռազմաքաղաքական ղեկավարությունը:

ապահովել Լեռնային Ղարաբաղում հայկական մշակութային եւ կրոնական ժառանգության՝ ներառյալ վանքերի խաչքարերի անձեռնմխելիությունը: Զերծ մնալ դրանց ալթանացումից, ինչպես նաեւ պատմական վերանայումներից գերծ մնալ Հայաստանի Հանրապետության դեմ սպառնալիքներից եւ ցանկացած ագրեսիայից, դուրս բերել ադրբեջանական զինուժը Հայաստանի Հանրապետությունում օկուպացված տարածքներից:

Բացի այդ, համահեղինակները Բելգիայի կառավարության պատվիրակությանը կոչ են արել COP 29-ին մասնակցության ընթացքում գործել վերը նշված խորհրդարանական բանաձեւերի դուրս համահունչ:



ՄԱՐԶ

ՖԻՆԱՆՍԱԿԱՆ ՕԳՆՈՒԹՅՈՒՆ ԵՎ ՊԱՐԳԵՎԱՎՃԱՐՆԵՐ

Տավուշի մարզպետ Յայկ Ղալումյանին հարցրել են՝ Նոյեմբերի 7-ի դրությամբ պետական բյուջեից ընդհանուր որքան պարգեւավճար են ստացել Տավուշի մարզպետարանի աշխատողները: Նոյեմբերի 7-ի դրությամբ Տավուշի մարզպետարանի միջոցով պետական բյուջեից ընդհանուր որքան աջակցության գումար են ստացել Տավուշի մարզի սոցիալապես անապահով բնակիչները:

Մարզպետարանից պատասխանել են. «ՀՀ Տավուշի մարզպետի աշխատակազմի աշխատակիցները Նոյեմբերի 7-ի դրությամբ ստացել են 57689,0 հազար դրամի պարգեւավճար: Ֆինանսական աջակցության նպատակով քաղաքացիներից ընդունվել է 1381 դիմում, ա/թ Նոյեմբերի 7-ի դրությամբ ՀՀ Տավուշի մարզպետի աշխատակազմի «Այլ նպաստներ» հոդվածով տրվել է 63880,0 հազար դրամ օգնություն»:

ՀԵՌԱՆԿԱՐ Է ԲԱՅՎԵԼ

Երկու տարի առաջ հռչակումով Յայկ Ղալումյանի մտերմներից մեկի հետ զրույցի ժամանակ վերջինս ասաց, որ Տավուշի մարզպետ Յայկ Ղալումյանը շատ է ցանկանում դառնալ ՊԵԿ նախագահ, քանի որ նրան հրապարակում է հարկային, մաքսային եկամուտները վերահսկող այդ պաշտոնը: Աղբյուրն ասաց, որ Նիկոլ Փաշինյանը չի կարողանում իր դասընկեր, իր հարսանկիցի քավոր Յայկ Ղալումյանին ՊԵԿ նախագահ դարձնել, որովհետև այդ պաշտոնին նշանակելու «քվոտան» պատկանում է Սորոսի հիմնադրամի Հայաստանի գրասենյակի ղեկավար Լարիսա Միսայանին: ՊԵԿ նախագահի պաշտոնից Ռուստամ Բաղասյանի ազատվելուց հետո Յայկ Ղալումյանի համար հեռանկար է բացվում: Յայկ Ղալումյանը որպես Տավուշի մարզպետ առանձնակի հաջողություններ չունի, Տավուշի մարզպետարանը դարձրել է հռչակի մարզպետարան. մարզպետարանում նեղ կազմով պարբերաբար խորհրդակցություններ է անում, սակայն մարզում պետական և տեղական շատ ծրագրեր ձգձգվում կամ ձախողվում են, մարզի հանրակրթական դպրոցներում ցածր է կարգապահությունը և այլն: Մարզպետ Յայկ Ղալումյանի պաշտոնավարման օրոք Տավուշի մարզպետարանում 2 նորամուծություն է եղել՝ մարզպետարանը այլևս կոչում են Տավուշի մարզպետի աշխատակազմ և մարզպետարանի շենքի մուտքի մոտ ուղեփակոց են դրել:

ԻՆՉ ՎԻՃԱԿՈՒՄ Է ՃԵՄՈՒԳԻՆ

Տուրիստական Դիլիջան քաղաքի կենտրոնական զբոսայգում կիսատ, չկառուցված շենքի հենասալին գրված է, որ շուտով սիրուն շինություն է լինելու: Զբոսայգում շատ-շատ են շները: Նրանց մի մասի ականջներին պիտակներ կան: Գեղեցիկ զբոսայգու նստարանները պատված են թռչունների արտաթորանքով, ճեմուղում նույնպես կովի արտաթորանք է:

ՈՍՎԻՍ ՍԱՐԳՅԱՆ  
Տավուշ

ՔՆՆԱՐԿՈՒՄ

ՀԱՅՈՑ ԼԵԶՎԻ ԶԱՐԳԱՑՄԱՆ ՄԻՏՈՒՄՆԵՐ

Սույն թվականի նոյեմբերի 19-ին ՀՀ գիտությունների ազգային ակադեմիայում տեղի ունեցավ «Հայոց լեզու. նրա զարգացման հիմնական միտումներն ու դրանց արձագանքում ուսումնական գործընթացում» գիտագործնական համաժողովը, որին մասնակցեց ավելի քան 100 ուսուցիչ Հայաստանի տարբեր մարզերից:

Համաժողովի նպատակն էր ներկայացնել և քննարկել լեզվամտածողության, հնչյունաբանության, բառագիտության, ձևաբանության, շարահյուսության հարցերը:

Գիտաժողովի մասնակիցներին ողջունեց ՀՀ ԳԱԱ հայագիտության և հասարակական գիտությունների բաժանմունքի ակադեմիկոս-քարտուղար ակադեմիկոս Յուրի Սուվարյանը: «Ես բարձր եմ գնահատում ձեր առաքելությունը, քանի որ դուք եք սովորեցնում ուղղագրություն և ուղղախոսություն: Լեզուն անընդհատ հարստանում է, նոր տերմիններ են առաջանում: ՀՀ ԳԱԱ նախագահության որոշմամբ ստեղծվել է տերմինաշինության մասնագիտական խորհուրդ, որում ընդգրկված են մեր հանրապետության լավագույն լեզվաբանները: Ձեր խնդիրն է աճող սերնդին հասկացնել, որ չնայած տեխնիկական հնարավորությունների աճին, արհեստական բանականության հնարավորություններին, մարդը պետք է կարողանա ճիշտ գրել և ճիշտ խոսել իր լեզվով: Լեզվին տիրապետելու համար պետք է շատ կարդալ գրական գործեր և անընդհատ լինել լեզու սովորելու ընթացքի մեջ», - ասաց ակադեմիկոս Սուվարյանը:

ՀՀ ԳԱԱ գիտության հանրամատչելիացման և զարգացման վարչության պետ Կամո Աթայանը նշեց. «Մեր լեզուն



գուն հետաքրքիր ու հարուստ է, բայց հասարակական զարգացումները նրա առաջ եւս դնում են խնդիրներ՝ հնարավորինս հղկել, զարգացնել հայերենով ուսուցման լեզուն ու գտնել բարդ գիտությունը յուրաքանչյուրի հնարավորություններին ու ընդունակություններին համապատասխան, հանրամատչելի ներկայացնելու ուղիներ: Ձեր ստանձնած առաքելությունը բարդ ու պատասխանատու է: Այն հաջողված կլինի միայն անհատական գիտական հետաքրքրությունները մշտապես լրացնելու դեպքում»:

ՀՀ ԳԱԱ գիտակրթական միջազգային կենտրոնի գիտաքարտուղար, Լեզվաբանության ամբիոնի վարիչ, դոցենտ Մերի Սարգսյանը նշեց, որ գիտատեխնիկական զարգացման դարաշրջանում գերխնդիր է կրթության և գիտության շաղկապում: «Այս չափանիշը կրթության որակի ապահովման համաեվրոպական չափանիշներից մեկն է, և հենց սա է մեր կենտրոնի ռազմավարության

հիմքում: Այսօր հաճախ ենք տարբեր հարթակներից լսում, որ հայոց լեզուն կորցրել է իր դերակատարումը, որ չունի այն մեծ ազդեցությունը, որն ունեցել է նախկինում: Բայց բավական է՝ մուտք գործենք գիտության և տեխնիկայի խաչմերուկներից հանդիսացող Ինժեներական քաղաք, կոտեսենք հայագիտությունը ներկայացնող գրառումներ, իսկ Գիտության և տեխնիկայի թանգարանում կոտեսենք հայագիտության հսկաներին: Միավորենք մեր ուժերը, ստեղծենք ակադեմիա-բուհ-դպրոց էկոհամակարգի առողջ փոխգործակցություն՝ մեր ուժերը ծառայեցնելու գիտության և կրթության հետագա զարգացմանը», - ասաց Մերի Սարգսյանը:

Համաժողովը կազմակերպել էին ՀՀ ԳԱԱ-ն, ՀՀ ԳԱԱ Հրաչյա Աճառյանի անվան լեզվի ինստիտուտը և ՀՀ ԳԱԱ գիտակրթական միջազգային կենտրոնը՝ ՀՀ կրթության, գիտության, մշակույթի և սպորտի նախարարության աջակցությամբ:

ԹԵՄԱՏԻԿ

ՀԱՅԿԱԿԱՆ ԱՌԱՋԻՆ ԱՐԲԱՆՅԱԿԸ

ԲՏԱ նախարարը հայկական առաջին արբանյակից արված լուսանկարներ է հրապարակել. «Մեր չքնաղ հայրենիքը տարվա տարբեր եղանակներին ԱՐՄՍԱՍ-1-ի կողմից ուղեծրից արված լուսանկարներում», - X-ի իր էջում գրել է Մխիթար Հայրապետյանը:

Լուսանկարներն ամբողջությամբ  
ArmLur.am կայքում:

ՔԱՆԻ՝ ՄԱՐԳ Է ՏԱՌԱՊՈՒՄ ԱԼԿՈՂՈՒԹՅՈՒՄ

Ալկոհոլը հոգեակտիվ, տոքսիկ նյութ է և կարող է կախվածություն առաջացնել: Այն խաթարում է կենտրոնական նյարդային համակարգի աշխատանքը՝ մեծացնելով մտածված և ոչ մտածված վնասների, ինչպես նաև՝ սոցիալական ծանր հետեւանքների առաջացման ռիսկը:

Ալկոհոլի չարաշահումն առաջացնում է զգալի ախտաբանական փոփոխություններ մարտոդական և սրտանոթային համակարգերում: Այս մասին հոդված է



հրապարակել ՀՀ առողջապահության նախարարությունը:

Քաղցկեղի ուսումնասիրման միջազգային գործակալության տվյալների համաձայն՝ ալկոհոլը դասակարգված է որպես քաղցկեղածին:

Ալկոհոլը իմունադեպրեսանտ է, որը մեծացնում է ինֆեկցիոն հիվանդություններով վարակվելու ռիսկը:

Այլ փաստեր ալկոհոլի գործածման վնասակար հետեւանքների մասին՝ ալկոհոլի վնասակար օգտագործումն ավելի քան 200 հիվանդության և վնասվածքների առաջացման պատճառ է,

աշխարհում տարեկան շուրջ 3 միլիոն մարդ մահանում է ալկոհոլի գործածման վնասակար հետեւանքով:

Կա պատճառահետեւանքային կապ ալկոհոլի գործածման հետեւանքով առաջացող հոգեկան և վարքային խանգարումների, այլ սոմատիկ հիվանդությունների միջև:

2023 թվականի վիճակագրական տվյալներով՝ Հայաստանում ալկոհոլից կախվածությամբ հաշվառված է 6312 անձ:

2023 թվականի վիճակագրական տվյալներով՝ Հայաստանում ալկոհոլից կախվածությամբ հաշվառված է 6312 անձ:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 19 պատահար. 1 մարդ զոհվել է, 24-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՊԵՆ ԱՐՉԱԳԱՆՔԸ ԲԱՂԱՔԱՅՈՒ ԲՈՂՈՔԻՆ

Asekose.am կայքում հրապարակված տեսանյութի վերաբերյալ Պետական եկամուտների կոմիտեն հարկ է համարում տեղեկացնել, որ թե՛ Բագրատաշեն պետական սահմանի անցման կետով ելնելիս, թե՛ մյուս անցման կետերով Հայաստանի Հանրապետություն ժամանող քաղաքացիների, վերջիններիս ուղեկցող ուղեբեռների եւ տրանսպորտային միջոցների նկատմամբ իրականացվող մաքսային հսկողության ժամանակ օգտագործված անձնական օգտագործման ապրանքների հայտարարագրման պահանջ որեւէ քաղաքացու չի առաջադրվել: Իսկ նոր ապրանքներն անձնական օգտագործման դիտարկելու մասով մաքսային մարմինների կողմից հաշվի են առնվում քաղաքացու սահմանահատման հաճախականությունը, տեղափոխվող ապրանքների քանակը եւ քանակը: Ինչ վերաբերում է բողոք ներկայացնող անձի կողմից նկարահանված տեսանյութին, ապա վերջինս, Հայաստան ներմուծելով շուրջ 757 գրամ արծաթյա զարդեր, հրաժարվել է կատարել մաքսային մարմնի՝ օրենքով սահմանված կարգով հայտարարագրում իրականացնելու պահանջը, ինչից էլ ծագել է նշված անձի դժգոհությունը՝ տեսանյութում ներկայացնելով միայն օգտագործված անձնական օգտագործման ապրանքները եւ չնշելով այն հանգամանքը, որ մաքսային մարմնի օրինական պահանջը կապված է բացառապես 757 գրամ տարբեր տեսակի արծաթյա զարդերի հայտարարագրման հետ: ՊԵՆ տեղեկատվության եւ հասարակայնության հետ կապերի բաժին

ՀԱՅ-ՉԻՆԱԿԱՆ ԶԱՐԳԱՅՄԱՆ ԿԱՊԵՐ

Միջազգային գործարար կապերի աջակցման խորհուրդը երկար տարիներ իրականացնում է ամերիկյան, ասիական շուկաներում միջազգային ցուցահանդեսներ, համաժողովներ՝ հայաստանյան գործարարների համար ստեղծելով լայն հնարավորություններ:

Խորհուրդն այս տարի արդեն 2-րդ անգամ է այցելել Չինաստան: Այս անգամ Շանհայում կայացել է «Չինաստան. միջազգային ներմուծում» խոշոր ցուցահանդեսը:

Արդյունքներն ամփոփող ասուլիսով է հանդես եկել խորհրդի նախագահ Մարիամ Մանուկյանը:

ԱՋԱԿՑՈՒԹՅՈՒՆ ՍՈՒԲՎԵՆՅՐՈՆ ԾՐԱԳՐԵՐԻՆ

8 բնակավայր միավորող Նաիրի համայնքի 2024 թ. սուբվենյուն ծրագրերի համար ՀՀ կառավարությունը տրամադրել է 3.5 մլրդ դրամ:

Նախատեսված աշխատանքներից ճանապարհների բարելավումը հիմնականում ավարտել են, մյուսները շինարարության տարբեր փուլերում են: Խոշորացումից հետո Կառավարություն-համայնք գործակցությամբ 4 մանկապարտեզ է հիմնանորոգվել, շահագործման կիսանձվեն մինչեւ տարեկերը:

ԱՆՈՐԱԴԱՐՉ

ԳՈՒՅՔԱՐԿԻ ԲԱՂԱՔԱՅՈՒՅ ԳՈՒՄԱՐ «ՔԵՐԹԵԼՈՒ» ՄԻՋՈՑ Է

2020 թվականին Ազգային ժողովում արտահերթ ռեժիմով ընդունվեց «ՀՀ հարկային օրենսգրքում» փոփոխություններ եւ լրացումներ կատարելու մասին օրենքի նախագիծը, որով կատարվեց գույքահարկի գործող դրույքաչափերի փոփոխություններ, որը դարձավ հակասական դժգոհությունների պատճառ:

«Գույքահարկի մասին» օրենքի համաձայն՝ շենքերի, շինությունների կադաստրային գնահատումն իրականացվում է երեք տարին մեկ անգամ՝ հաջորդ երեք տարիների գույքահարկի հաշվարկման համար:

Համաձայն օրենսդրական փոփոխությունների՝ գույքահարկի ավելի բարձր դրույքաչափերի անցնելու ժամկետը սահմանվել է վեց տարի: Այսպիսով, անշարժ գույքի սեփականատերերն առաջին անգամ գույքահարկի նոր սանդղակով վճարում կկատարեն 2021 թվականի դեկտեմբերին՝ գույքահարկի 25 տոկոսը, 2022 թվականին՝ 30 տոկոսը, 2023 թվականին՝ 35 տոկոսը, 2024 թվականին՝ 50 տոկոսը, 2025 թվականին՝ 75 տոկոսը, 2026 թվականին՝ 100 տոկոսը:

Այս տևողության հարաբերակցությունը հասկանալու համար կարող ենք սահմանել հետևյալ օրինակը՝ վերցնելով գույքահարկի համար միևնույն արժեք 20 հազար դրամ: Գրաֆիկին նայելով՝ կարող ենք հասկանալ, թե ինչ փոփոխության է ենթարկվել գույքահարկը՝ թանկանալով գրեթե 4 անգամ:

Համաձայն որոշ տնտեսագետների՝ սա արվում է մեկ նպատակով: Քանի որ իշխանությունները որոշում են կայացրել պետական բյուջեից ֆինանսներ չհատկացնել տեղական ինքնակառավարման մարմիններին, այդ պատճառով անհրաժեշտություն է առաջանում ստեղծել կայուն եկամուտ ՏԻՄ գործունեությունը ապահովվելու եւ համայնքի կարիքները հոգալու համար:

Որքան էլ շատ են բողոքները, որ ՀՀ-ում գույքահարկը դարձել է 100%, այնուամենայնիվ ՀՀ կառավարությունը չի նախատեսում դրանք կրկին վերանայել: Իսկ հարկային օրենսգրքի նոր փոփոխությունները գույքահարկի մասին որեւէ տեղ չեն պարունակում:

Գույքահարկից ազատվում են՝

- 1) Հայաստանի Հանրապետության օրենսդրությանը համապատասխան՝ գծային ինժեներատրանսպորտային շինությունները, եթե դրանցից օգտվելու համար վճար չի գանձվում.
- 2) ջրամբարները.
- 3) Հայաստանի Հանրապետության օրենսդրությամբ սահմանված պետական սեփականություն համարվող պատմամշակութային նշանակության հարկվող օբյեկտ համարվող շինությունները: 4) Հայաստանի Հանրապետության պաշտպան



նության մարտական գործողությունների ընթացքում զոհված (մահացած), ծառայողական պարտականությունները կատարելիս անհայտ կորած եւ օրենքով սահմանված կարգով անհայտ բացակայող կամ մահացած ճանաչված անձանց (կամ ընտանիքի անդամներին) պատկանող գույքը՝ մինչեւ այդ անձանց զավակներից մեկի 18 տարին լրանալը.

5) սոցիալական ապահովության մարմիններից արտոնյալ պայմաններով ավտոմեքենաներ ստացած հաշմանդամները՝ այդ ավտոմեքենաների մասով եւ այլոք:

Առաջին հայացքից ամեն բան կարգին է եւ ոչինչ չկա մտահոգվելու, սակայն ArmLur.am-ը, զրուցելով ԱԺ «Հայաստան» խմբակցության պատգամավոր Թադեոս Ավետիսյանի հետ, առանձնացրել է կետեր՝ ինչ թիրախներ կան այս օրենքի շառավղում:

«Գույքահարկի ավելացման փաթեթավորումը, որ բերեցին, ասում էին մենք փորձում ենք գույքահարկով մեղմել սոցիալական անարդարությունը, որը գալիս էր եկամտային հարկի համահարթեցումից: Փորձեցին պրոգրեսիվ հարկման անվան տակ բարձրացնել գույքահարկի դրույքաչափը: Սա հիմնականում ոչ թե հարստության հարկման տարր ունի, այլ իրականում հարկ «քերթելու» դասական դրսևորում է, որովհետեւ հիմնական բեռը թողնում են միջին ու ցածր եկամուտ ունեցող խավի վրա»,- ասում է Ավետիսյանը:

Պատգամավորն օրինակներ է բերում նաեւ, թե ինչպես է օգտագործվում Երեւանում վճարված գույքահարկը եւ ինչպիսի անիմն ծախսերում է ներառվում:

«Օրինակ՝ Կետրոնում իր հայրական տանը բնակվող թոշակառու իր ամբողջ թոշակը պետք է վճարի որպես գույքահարկ, այն էլ չի բավականացնելու: Այսինքն, պետք է վճարեն: Եվ իշխանությունն էլ է ասում վճարեք, գնացել գյուղում տուն գնեք կամ մեկ այլ տեղում, որտեղ գույքահարկն ավելի քիչ է: Սա անարդար է»:

Երկրորդ կարեւոր կետով, ըստ Թադեոս Ավետիսյանի, իշխանությունն ասում է՝ օրենքով բարձրացրել ենք գույքահարկը համայնքներում, գնացեք մարդ «քերթեք», պետությունից գումար չուզեք եւ ձեր գլուխն ինքներդ պահեք:

Այսինքն, վարկածը, որ գույքահարկի նոր օրենքով պետությունը միայնակ է թողնում ՏԻՄ-երին սեփական ծախսերի հետ, միանշանակ է:

Երրորդ կարեւոր հարցը. Անդրադառնալով Երեւանում գույքահարկի միջոցով կատարած ծախսերին՝ Ավետիսյանն ընդգծում է. «Այդ գույքահարկը, որ «քերթում էք»՝ դա անում էք միայնակ թոշակառուից տունը խլելով: Օբյեկտիվ հարց է առաջանում. այդ փողը, որ հավաքում էք Երեւանի քաղաքապետարան, ինչ էք անում այդ գումարը: Պարզեատրումներ էք անում, հասկացանք, աշխատավարձեր էք ստանում, հասկացանք, էլեկտրոմոբիլներ էք գնում, հասկացանք, այդ թվում՝ օրինակ, Տրանսպորտի վարչության պետը: Հետաքրքիր է նա էլեկտրոմոբիլով է պտտվում եւ այդպես է տեղեկանում տրանսպորտային խնդիրներից»:

Հավաքագրված գույքահարկի ծախսերը անխնա ծախսելու մեկ այլ դրսևորում էրեւանի քաղաքապետարանի կողմից, Ավետիսյանը նկատում է, որ Նոր Նորքի ասֆալտապատումն է: Նրա խոսքով տարին մի քանի անգամ ասֆալտապատում է իրականացվում փոսեր փորելով ավելի խորը, քան սահմանային խրամատները: Այս գործընթացն էլ ուղեկցվում է կոռուպցիոն դիսկրիմինացիաներով, քանի որ ասֆալտապատող ընկերությունները հաճախ փոխկապակցված են լինում իշխանականների հետ:

Որպես եզրակացություն՝ կարող ենք ասել, որ ՀՀ քաղաքացու հաշվին երկիրը պահելու պատճառով է Նիկոլ Փաշինյանը հարկատու քաղաքացուն անվանում հերոս: Այո, գուցե հերոս են, որ այսքան հարկային պարտավորություններ մտցնելուց հետո, դեռ գոյատևում են:

ՀԱՄԱ ՄԻՔԱՅԵԼՅԱՆ

ԲԻԹԵՐՈՆԻ ՓՈՒՆԱՐԺԵՔԸ ԳԵՐԱԶԱՆՑԵԼ Է 99,000 ԴՈՒԼԱՐԸ

Բիթքոին կրիպտոարժույթի արժեքը բարձրացել է 99,000 դոլարը և բարձրացնելով դասմական առավելագույնը:

Ըստ աշխարհի խոշորագույն կրիպտոբորսայի՝ Binance-ի տվյալների՝ վիրտուալ արժույթի արժեքը հասել է 98,292 դոլարի:

Binance կրիպտոբորսան Երեւանի ժամանակով ժամը 07:17-ի դրությամբ արձանագրել է, որ կրիպտոարժույթի փոխարժեքը կազմել է 99,100 դոլար՝ ցույց տալով 4,42% աճ: Այնուամենայնիվ, հիվա ընթացքում բիթքոինը դանդաղել է՝ հետ իջնելով \$98,980-ի մակարդակին (+4,27%):

Կրիպտոարժույթը սկսել է թանկանալ նոյեմբերի 5-ին՝ ԱՄՆ նախագահական ընտրություններում Դոնալդ Թրամփի հաղթանակից հետո:

Binance-ի գործադիր տնօրեն Ռիչարդ Թեյլորը կանխատեսել է կրիպտոարժույթների ուժեղ դարաշրջան այն բանից հետո, երբ Թրամփը կվերադառնա Մայիսի տակ:

«Տողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԴԱՆԻԵԼ ԲԵԿ-ՓԻՐՈՒՄՅԱՆ

ՄԱՐԴԱՐԱՐԱՐԱՊԱՏԻ ՀԵՐՈՍԸ

Գանիել Սրբազանի Բեկ-Փիրումյանը հայ նշանավոր ռազմական գործիչ, Սարգարադասի ճակատամարտի զինավոր հրամանատար, ազգային հերոս, ռուսական բանակի գեներալ (1915), հայկական բանակի գեներալ-լեյտենանտ էր, Պողոս Բեկ Փիրումյանի հորեղբոր որդին:



57-ամյա Գանիել Բեկ-Փիրումյանին 1918 թվականին շնորհվել է գեներալ-մայորի կոչում: Նորակազմի ճանաչման հանրապետության օրոք նա առաջիններից մեկն էր, ով պաշտոնապես ստացավ այդ կոչումը: Նշենք, որ Սարգարադասի հերոսամարտին մասնակցել է մարտական իսկական սիրանքներ է գործել նաև Գանիել Բեկ-Փիրումյանի հորեղբոր որդի Պողոս Բեկ-Փիրումյանը՝ որպես Ղարաբաղի 5-րդ (մահապարտների) գնդի հրամանատար:

սամարտի պանծալի հրամանատար Գանիել Բեկ-Փիրումյանը հայ բարձրաստիճան այլ սպաների հետ բոլշևիկների կողմից գնդակահարվել է Ղարաբաղի սահմաններից: Յայտնի է, որ գեներալի դին հնարավոր է եղել գաղտնի տեղափոխել Էջմիածին եւ թաղել Սուրբ Գայանեի վանքին կից գերեզմանատանը: Նույն 1921 թվականին, այլևս չգիտնալով բոլշևիկյան արհավիրքին, Երեւանում ինքնասպան է եղել Սարգարադասի մեկ այլ հերոս՝ Պողոս Բեկ-Փիրումյանը:

Ծառայությունը Ռուսական բանակում Գանիել Բեկ-Փիրումյանը ծնվել է 1861 թվականի նոյեմբերի 22-ին Արցախի Խաչեն գավառի Նախիջեանի գյուղում: Ավարտել է Շուշիի քաղաքային ուսումնարանը: Զինվորական ծառայությունը սկսել է 1881 թվականից՝ Երեւանյան գնդում: 1881-1883 թվականներին սովորել է Թիֆլիսի հետեւակային յունկերական ուսումնարանում: 1890 թվականին Գանիել Բեկ-Փիրումյանին շնորհվել է կապիտանի կոչում: 1913 թվականին Գանիել Բեկ-Փիրումյանը փոխգնդապետի կոչումով ավարտել է Օրանիենբաումի սպայական հրաձգային դպրոցի դասընթացները: Եղել է վաշտի, գումարտակի, գնդի հրամանատար: Առաջին համաշխարհային պատերազմի (1914-1918 թվականներ) ժամանակ կռվել է Կովկասյան ռազմաճակատում, աչքի ընկել քաջությամբ, ստացել ռուսական բանակի գնդապետի կոչում, պարգևատրվել Գեորգիեյան եւ այլ շքանշաններով ու անվանական գեներով:

Սարգարադասի հերոսամարտում 1918 թվականի մայիսին թուրքական առաջապահ ջոկատները հասել էին Սարգարադաս կայարան՝ ընդհուպ մոտենալով Էջմիածնին: Հայության համար այդ օրհասական պահին վճռական դեր են խաղացել Գանիել Բեկ-Փիրումյանի ռազմաճակատային մեծ փորձը եւ ուժեղ կամային հատկանիշները: Բացառիկ է եղել Գանիել Բեկ-Փիրումյանի դերակատարումը Սարգարադասի ճակատամարտի հաղթանակում, որտեղ նա փաստացի հանդիսացել է այդ ուղղության հայկական զորաջոկատների ընդհանուր հրամանատարը: Հենց Գանիել Բեկ-Փիրումյանի անմիջական ջանքերով հնարավոր եղավ կազմակերպել Սարգարադասի ռազմաճակատի գիծը եւ արժանի հակահարված տալ թուրք զավթիչներին: Սարգարադասի ճակատամարտի վճռական պահին, մարտի հետագա ղեկավարությունը հանձնելով Ալեքսանդր Շևետովին, նետվել է կռվի դաշտ: Ցուցադրելով զինվորական հմտություն եւ արիություն՝ իր գլխավորած ուժերով ռազմաճակատի կենտրոնական մասում ջախջախել ու հետ է շարժել թուրք զավթիչներին:

Կյանքի վերջին տարիներ Յայաստանի առաջին հանրապետության տարիներին Գանիել Բեկ-Փիրումյանը տարբեր պաշտոններ է զբաղեցրել Յայաստանի ռազմական գերատեսչությունում: 1919 թվականի վերջին նա ստացել է գեներալ-լեյտենանտի կոչում եւ նշանակվել Կարսի բերդի պարետ: Ցավոք, ավտովթարի պատճառով նա կորցրել է ոտքը, որի պատճառով էլ չի կարողացել պատշաճ ձեւով կազմակերպել Կարսի բերդի եւ Կարսի ճակատի ինքնապաշտպանությունը 1920 թվականի աշնանը կայացած թուրք-հայկական պատերազմի ժամանակ: Իսկ 1920 թվականի հոկտեմբերի 30-ին թուրքերի կողմից Կարսի անառիկ բերդի գրավման ժամանակ գերի է ընկել: 1921 թվականի հունվարին նրան տեղափոխել են Ալեքսանդրապոլ, ապա հանձնել ռուսական 11-րդ Կարմիր բանակի ներկայացուցիչներին:

Խորհրդայնացված Յայաստանում մոլեզվում էր բոլշևիկյան տեռորը, եւ թուրքական գերությունից ազատվելուց անմիջապես հետո Սարգարադասի հերոս

Հետաքրքիր փաստեր Բեկ-Փիրումյանի զինվորական համազգեստի աստառը կարմիր էր: Մարտի դուրս գալուց առաջ նա շրջում էր համազգեստը եւ կարմիր կողմը դեպի դուրս էր հագնում համազգեստը: Նրան անվանում էին «Կարմիր Վարդան»՝ զուգահեռ անցկացնելով Ավարայրի հերոս Վարդան Մամիկոնյանի հետ: Կարմիր աստառով մարտին դուրս գալու մասին երկու վարկած կա: Ըստ առաջին վարկածի՝ զորքի մարտական ոգին չկորցրելու համար նա չէր ուզում, որ մարտի դաշտում վիրավորվելու դեպքում որեւէ մեկը տեսներ իր արյունը: Սարգարադասի հերոսամարտի հուշահամալիր, Յայոց ազգագրության եւ ազատագրական պայքարի պատմության թանգարանի տնօրեն Փահլեւանյանի կարծիքով երկրորդ վարկածն ավելի հավանական է՝ Փիրումյանը ցանկանում էր թաքցնել զինվորական ուսադիրներն ու տարբերանշանները, որ թշնամին չհիմանա, թե ով է մարտի դաշտում:

ԱՆՆԱ ՄՐԱՊԻՈՆՅԱՆ

ՄԱՐԶԱԿԱՆ

ՀՀ ԶՈՒ ՀԱՎԱՔԱԿԱՆ ԶԻՆՎՈՐԱԿԱՆՆԵՐԻ ԸՄԲԵՆՈՒՄՆԵՐԻ ԱՐԳԵՆ 12 ՄԵՂԱԼ Է ՆՎԱՃԵԼ

Հայ ըմբիշները շարունակում են հաջող մրցելույթները Երեւանում ընթացող Զինվորականների ըմբշամարտի աշխարհի 37-րդ առաջնությունում: մրցումային երկրորդ օրը՝ նոյեմբերի 21-ին, ՀՀ ԶՈՒ հավաքականի անդամները նվաճել են 1 արծաթե եւ 4 բրոնզե մեդալ:

Առաջնության փոխչեմպիոնի կոչմանն արժանացել է հունահռոմեական ոճի ըմբիշ, 55 կգ քաշային Տիգրան Սինասյանը: Եզրափակչում նա զիջել է ԿԺԳՆ ներկայացուցչին:

Բրոնզե մեդալներ են նվաճել Շանթ Խաչատրյանը (72 կգ), Հրայր Ալիխանյանը (74 կգ), Արման Ավագյանը (79 կգ) եւ Սամվել Գրիգորյանը (82 կգ):

Բրոնզե մեդալի համար պայքարում Խաչատրյանը 10:1 հաշվով վստահ հաղթանակ է տարել Շվեյցարիայի ներկայացուցչի նկատմամբ, Ալիխանյանը 12:2 հաշվով հաղթել է Սաուդյան Արաբիայի ներկայացուցչին, Ավագյանը 7:4 հաշվով առավելության է հասել իտալացի ըմբիշի նկատմամբ, իսկ Գրիգորյանը 9:1 հաշվով հաղթանակի է հասել Ղազախստանի ներկայացուցչի նկատմամբ:

ԿԳՄՍՆ-ից տեղեկացնում են, որ ՀՀ ԶՈՒ հավաքականի անդամները Զինվորականների ըմբշամարտի աշխարհի 37-րդ առաջնությունում արդեն 12 մեդալ են նվաճել՝ 3 ոսկե, 3 արծաթե եւ 6 բրոնզե:

Զինվորականների ըմբշամարտի աշխարհի առաջնությունը մասնակցելու նպատակով Յայաստան է ժամանել 24 երկրի պատվիրակություն (ավելի քան 400 անձ): Առաջնությունն անցկացվում է Կ. Դեմիրճյանի անվան մարզահամերգային համալիրում նոյեմբերի 20-22-ը: Մուտքն ազատ է:

ԵՎՐՈՊԱՅԻ ԱՌԱՋՆՈՒԹՅՈՒՆ

Հայաստանի մուայթայի հավաքականը 2 արծաթե եւ 1 բրոնզե մեդալ է նվաճել Կոստվոյի մայրաքաղաք Պրիշտի-Նայում անցկացված ավագ տարիքի պատանիների, մինչեւ 23 տարեկանների եւ մեծահասակների Եվրոպայի առաջնությունում:

Հայաստանի ներկայացուցիչներից փոխչեմպիոնի կոչմանն ու արծաթե մեդալի արժանացել է 57 կգ քաշային Նարեկ Խաչիկյանը, որը հանդես է եկել մեծահասակների պայքարում:

Փոխչեմպիոն է դարձել նաեւ մինչեւ 16 տարեկանների առաջնությունում հանդես եկող Արթուր Խաչատրյանը:

Հայաստանի վերջին ներկայացուցիչ, 57 կգ քաշային Լուսի Տեր-Ղավթյանը մինչեւ 23 տարեկանների առաջնությունում զբաղեցրել է երրորդ տեղն ու նվաճել բրոնզե մեդալ:

ԿՈՄԻՏԱՍԻ ԱՆՎԱՆ ԶԱՌՅԱԿԻ ՀԻՄՆԱԴՐՄԱՆ 100-ԱՄՅԱԿ

Նոյեմբերի 24-ին, ժամը 19:00 Արամ Խաչատրյանի համերգահանում կանգնեցվի համերգ-հանդիսություն՝ նվիրված աշխարհի ամենաերկարակյաց լարային ֆուտբոլի Կոմիտասի անվան լեգենդար ֆուտբոլի հիմնադրման 100-ամյակին:

Համերգի ընթացքում հանդիսականները վերստին հնարավորություն կունենան ունկնդրելու քառյակի բարձրարվեստ կատարումները:

Կոմիտասի անվան ազգային քառյակին նվիրված երաժշտական ողջույններով հանդես կգան Յայաստանի պետա-

կան կամերային նվագախումբը, Արեգ Առուստամյան ջազ-տրիոն, Բարսեղ Թումանյանը, Հրաչյուհի Բասեցը, դաշնակահար-դիրիժոր Վահագն Պապյանը, դաշնակահարուհի Կարին-Հելլման Գեորգյանը:

Կոմիտասի անվան քառյակն ստեղծվել է 1924թ. նոյեմբերին Մոսկվայի կոնսերվատորիայի ուսանողներ Ավետ Գաբրիելյանի, Լեոն Օհանջանյանի, Միքայել Տերյանի եւ Սարգիս Ասլամազյանի նախաձեռնությամբ: 1925թ. հունվարի առաջին օրերին սկսել է իր կանոնավոր փորձերն ու պարապմունքները՝ պրոֆեսոր Ե.Ս. Գուգիկովի ղեկավարությամբ:

Վերջինս կազմել է նորաստեղծ անսամբլի կատարողական ծրագիրը՝ նախատեսված հունվարից մինչեւ ուսումնական տարեվերջ: Առաջին ստեղծագործությունը, որի վրա պետք է աշխատել են երիտասարդ երաժիշտները, Բեթհովենի N 1 կվարտետն էր, որի կատարման նախապատրաստումը տեւել է շուրջ երկու ամիս: Առաջին ելույթը տեղի է ունեցել 1925 թ. մարտի 1-ին: 1932թ. մայիսին Հայկական ԽՍՀ կառավարությունը քառյակին շնորհել է Կոմիտասի անունը՝ դեռեւս մեծ երգահանի կենդանության օրոք:

● Նոյեմբերի 30-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Փարիզյան դատավճիռ» ներկայացումը: Տոմսերի արժեքը՝ 2.000-4.000 դրամ:



### ԻՐԱՎՈՒՆՔ

**ՀԱՐՑ. Ո՞րն է աշխատանքային դայմանագրի կնքման կարգը:**

Մոնիկա Ղուկասյան (19 տարեկան)



**ՊԱՏԱՍԽԱՆ.** Գրավոր աշխատանքային պայմանագիրը կնքվում է երկու օրինակից կողմերի, իսկ մինչև տասնչորս տարեկան աշխատողների հետ կնքվող աշխատանքային պայմանագրերի դեպքում՝ ծնողներից մեկի կամ որդեգրողի կամ խնամակալի ստորագրությամբ մեկ փաստաթուղթ կազմելու միջոցով, որի մեկ օրինակը գործատուն հանձնում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին: Աշխատանքային պայմանագիրը կարող է կնքվել նաև կողմերի էլեկտրոնային ստորագրությամբ: Էլեկտրոնային ստորագրությամբ կնքված աշխատանքային պայմանագրի մեկ օրինակը էլեկտրոնային եղանակով փոխանցվում է աշխատողին, իսկ մինչև տասնչորս տարեկան անձի մասնակցությամբ աշխատանքային հարաբերությունների ծագման դեպքում՝ ծնողներից մեկին կամ որդեգրողին կամ խնամակալին:

Աշխատանքի անցնելուց առաջ գործատուն կամ նրա լիազորած անձը պարտավոր է աշխատանքի ընդունվող անձին պատշաճ ծանոթացնել աշխատանքի պայմաններին, կոլեկտիվ պայմանագրին (դրա առկայության դեպքում), ներքին կարգապահական կանոններին, աշխատավայրում նրա աշխատանքը կանոնակարգող գործատուի այլ իրավական ակտերին:

**ՀՀ աշխատանքի եւ սոցիալական հարցերի նախարարություն**

**«ԺՈՂՎՈՐԳ».** Աշխատողը պարտավոր է աշխատանքային պայմանագրում նշված օրն անցնել աշխատանքի: Աշխատանքային պայմանագրում նշված օրն անհարգելի պատճառով աշխատանքի չներկայանալը հիմք է աշխատանքային պայմանագրի լուծման համար:

### ՏՆՏԵՍԱԿԱՆ

**ՀԱՐՑ. Ո՞րն է Մաքսային միության ադրանքը: Լեռնիկ Գրիգորյան (49 տարեկան)**



**ՊԱՏԱՍԽԱՆ.** Մաքսային միության մաքսային օրենսգրքի 4-րդ հոդվածի 1-ին մասի 37-րդ կետի համաձայն՝ Մաքսային միության ապրանքները Մաքսային միության մաքսային տարածքում գտնվող ապրանքներն են, որոնք ամբողջությամբ արտադրվել են Մաքսային միության անդամ պետությունների տարածքներում, ներմուծվել են Մաքսային միության մաքսային տարածք եւ ստացել Մաքսային միության ապրանքների կարգավիճակ՝ նշված օրենսգրքին եւ (կամ) Մաքսային միության անդամ պետությունների միջազգային պայմանագրերին համապատասխան, պատրաստվել են Մաքսային միության անդամ պետությունների տարածքներում նշված ենթակետի երկրորդ եւ երրորդ պարբերություններում նշված ապրանքներից եւ (կամ) օտարերկրյա ապրանքներից եւ, նշված օրենսգրքին եւ (կամ) Մաքսային միության անդամ պետությունների միջազգային պայմանագրերին համապատասխան, ձեռք են բերել Մաքսային միության ապրանքների կարգավիճակ:

**ՀՀ պետական եկամուտների կոմիտե**

**«ԺՈՂՎՈՐԳ».** Մաքսային միության մաքսային օրենսգրքի 296-րդ հոդվածի համաձայն՝ «Վերարտահանում» մաքսային ընթացակարգի դեպքում Մաքսային միության մաքսային տարածք ավելի վաղ ներմուծված ապրանքները կամ ապրանքների վերամշակումից հետո ստացվելիք արդյունքները, որոնք ձեւակերպվել են «մաքսային տարածքում վերամշակում» մաքսային ընթացակարգով, այդ տարածքից արտահանվում են առանց ներմուծման մաքսատուրքերի գումարների վճարման եւ (կամ) ներմուծման մաքսատուրքերի վճարված գումարների վերադարձման (հաշվանցման) եւ առանց ոչ սակագնային կարգավորման միջոցների կիրառման:

### ԼՈՒՐ ԿԱԴՐ

Լուսանկարը՝ համացանցից



Հայաստանը ներկայացնող մարզիկները Երեւանում ընթացող Ջինվորականների ըմբշամարտի 37-րդ աշխարհի առաջնությունում նվաճեցին 14 մեդալ: Ջինվորականների ըմբշամարտի 37-րդ աշխարհի առաջնությունում Հայաստանի Հանրապետության ՋՌԻ հավաքականի մարզիկները ընդհանուր առմամբ նվաճեցին 14 մեդալ՝ 3 ոսկե, 3 արծաթե եւ 8 բրոնզե:

### ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



**«Հայկուստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ:**

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբանաբար ձեր բարձրագույն բոլոր խնդիրներին:

### ԱՌԱՋԱՐԿ

#### հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.

### ԵՂԱՆԱԿԻ ՏԵՍՈՒԹՅՈՒՆ



Շիրակ	-2 - 6 +4 + 8	Արարատ	-1 + 2 +13 + 15
Կոտայքի լեռներ	-1 - 5 +4 + 9	Արմավիր	-2 + 2 +13 + 15
Կոտայքի նախալեռներ	-1 + 3 +9 + 12	Վայոց ձորի լեռներ	-1 + 2 +3 + 6
Գեղարքունիք	-3 - 7 +5 + 8	Վայոց ձորի նախալեռներ	-1 + 2 +12 + 14
Լոռի	-1 - 5 +10 + 13	Սյունիքի հովիտներ	-1 + 5 +8 + 12
Տավուշ	-2 + 3 +12 + 14	Սյունիքի նախալեռներ	+1 + 5 +12 + 16
Արագածոտնի լեռներ	-2 - 6 +2 + 7	ԼՂՀ	0 + 4 +11 + 14
Արագածոտնի նախալեռներ	-2 + 2 +8 + 13	Երեւան	+6 + 8 +11 + 13

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 2, հեռ.՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 22.11.2024  
Տպաքանակ՝ 3968

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: